



# basic education

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS**

**TSHIVENDA LUAMBO LWA U ENGEDZA LWA U THOMA (FAL)**

**BAMMBIRI LA U THOMA (P1)**

**2016**

**MARAGA: 80**

**TSHIFHINGA: Awara 2**

**Bammbiri ili li na masiatari a 12.**

**NDAELA NA MAFHUNGOTHANGELI**

1. Bammbiri ili li na KHETHEKANYO THARU:
 

KHETHEKANYO YA A:	Tholokanyondivho	(30)
KHETHEKANYO YA B:	Manweledzo/Samari	(10)
KHETHEKANYO YA C:	Luambo	(40)
2. Fhindulani mbudziso DZOTHE kha hedzi khethekanyo.
3. Thomani khethekanyo INWE na INWE kha siatari LISWA.
4. Hune khethekanyo INWE na INWE ya fhelela hone ni talele.
5. Nomborani phindulo dzañu zwi tshi anana na kunomborelw kwa mbudziso.
6. Ni tshi fhedza u fhindula mbudziso, ni pfuke mutala ni kone u ya kha i tevhelaho.
7. Ni dzhiele nzhele zwiga zwa u vhala, mupeleto, tswayo na khethekanyo ya maipfi.
8. Ni eletshedzwa lwa tshothe uri ni shumise ndangatshifhinga iyi yo anganywaho:
 

KHETHEKANYO YA A:	Henefha kha minetse ya 50
KHETHEKANYO YA B:	Henefha kha minetse ya 30
KHETHEKANYO YA C:	Henefha kha minetse ya 40
9. Nwalani zwi no vhalea, nahone nga vhudele.

**KHETHEKANYO YA A: THOLOKANYONDIVHO****MBUDZISO 1: PHUROSA**

Vhalani mafhundo a tevhelaho uri ni do kona u fhindula mbudziso dzo disendekaho khao.

**TSHIBVELEDZWA TSHA A****NGOHO TSHO VHA WEDZA KHOMBONI.**

- 1 Vho Liedza ndi muofisiri wa badani kha masipala wa Fhañani. Ndi nwaha wa vhufumi vhe kha mushumo uyu nahone vha sumbedza u u funa nga maanda.
- 2 Hu tou nga ho vha hu si na mudzulapo wa masipala wa Fhañani ane a si vha divhe, nga maanda vhoramimodoro. Tshi dinaho ndi uri vho vha vha sa divhelwi zwivhuya. Vho vha vha tshi divhelwa tshandanguvhoni tshine vha 5 tshi ita na vhoramimodoro vho pfukaho milayo ya badani.
- 3 Mafhundo a tshandanguvhoni Vho Liedza vho vha vho no a dowela vhukuma na uri zwo khakheaho vho vha vha si tsha zwi vhona. Izwo zwo ita uri tshifhinga tshinzhi vha takalele u shuma vhe vhothe uri vha si khakhiswe kha maitele avho. 10
- 4 Ndi lunzhi he Vho Liedza vha kaidzwa nga muhulwane wavho kha mafhundo a tshandanguvhoni. Kha Vho Liedza a zwo ngo amba tshithu, vho di isa phanda na tshandanguvhoni. Tsho itaho uri vha si litshe ndi nge vha vha tshi khou difhelwa nga tshelede ye ya vha i tshi khou da vha songo i shumela. Tshelede iyo vho vha vha tshi i shumisa u renga zwiliwa, u badela zwikolodo na u renga thundu dza nduni. U tshila u fhasi ha mutsiko wa zwikolodo, zwi kombetshedza muthu uri a ite zwa tshandanguvhoni. 15
- 5 Liwe duvha Vho Liedza vhe kati na mushumo wavho, ha swika goloi ya BMW ya muvhala mutswuku. Vho mbo di i imisa, vha i sumba nnnda ha bada. Vho mbo di ya kha mureili vha humbelia laisentsi ya u reila. Musi vho no i 20 lavhelesa vha wana yo fhelelwa nga tshifhinga nga minwedzi mivhili.
- 6 Mureili o vhudza Vho Liedza uri o tou khakha. O dzhia laisentsi ya kale sa ntswa. A humbelia pfarelo o tou ita na u tumba fhasi. O pfiwa nga nnyi? Vho Liedza nga itsho tshifhinga vho vha vho halifha vhukuma. Vha pfala vha tshi ri: 'kha vha ntevhele ngeno goloini ndi vha nwale.' 25

- 7 Mureili a tshi swika goloini ya Vho Liedza a vhudzwa uri kha dzhene nga ngomu. O no dzhena a isa phanda na u humbela pfarelo, ha vha u shela madi nthia ha tombo. Vho Liedza vha mu vhudza uri zwe a ita zwi fana na u reila goloi a si na laisentsi. Vho mu vhudza uri vha do tou mu nwala thikhithi ya RI 500 fhedzi vha nga litsha u mu nwala arali a vha nea tshelede i linganaho R500. Mureili u pfa izwo a mbo di vha fha tshelede iyo, a livhuwa thuso ye vha mu fha, a mbo di tuwa. Zwa tshandanguvhoni zwe vha zwe no tou vha malofhani kha Vho Liedza. 30
- 8 Zwauri ndi tshikwekwe tsho lukwaho nga muhulwane wavho a vho ngo zwi limuwa. Muhulwane wa Vho Liedza vho ita tshikwekwe itshi nge mafhundo a tshandanguvhoni a Vho Liedza a vha o no swika ndevheni dzawe. Mureili o vha o vhudzwa uri a rekhone zwothe zwine Vho Liedza vha do vha vha tshi khou ita na u amba nga luvingothendeleki uri zwi shume sa vhutanzi. 35
- 9 Nga Musumbuluwo nga matsheloni Vho Liedza vha vhidzelwa ofisini nga muhulwane wavho. Vho mangala vha tshi vhona ula mureili wa BMW e hone ofisini. U mu vhona vha ambela mbiluni vha ri: **Namusi ya sa raha i do dadza.** 40
- 10 Vho Liedza vho mbo di vhudzwa uri mushumo wo fhela. Vho no kaidzwa lunzhi zwi tshi kwama mafhundo a tshandanguvhoni vha sa thetshelese. Vho Liedza vho thoma u lila henehlo ofisini, zwa si thuse tshithu. 45
- 11 U bva afho ofisini Vho Liedza vho mbo di doba vhuda havho vha livha hayani. Vhathu vha vhudzisaho nga u sa tsha ya havho mushumoni. Vha vhudzwa uri mushumo wo tou vha netisa ndi ngazwo vho litsha. 50
- 12 Vhathu vha hashu ndi ngoho tshandanguvhoni a si tshavhudzi. Vhunzhi ha vhathu vha no didzhenisa kha zwa tshandanguvhoni vha fhedzisela vho wela khomboni. Nangoho Vhavenda a vho ngo zwifha vha tshi ri mulifho wa mmbwa ndi thoho yayo.

- 1.1 Vho Liedza vho vha vha tshi shuma sa mini? (1)
- 1.2 Ndi zwifhio zwi lwaho na mulayo zwe Vho Liedza vha vha vha tshi zwi ita? (2)
- 1.3 Sumbedzani uri ndi ngani Vho Liedza vho didzhenisa kha mafhundo a tshandanguvhoni. (2)
- 1.4 Ndi mini zwe mureili wa BMW a shumisa u wana vhutanzi hothe vhukati hawe na Vho Liedza? (2)

- 1.5 Zwa tshandanguvhoni two vha two no tou vha malofhani a Vho Liedza.  
Talutshedzani vhungoho ha fhungo ili nga zwi re mafhungoni ayo. (2)
- 1.6 Sumbedzani muhumbulo muhulwane wa mafhungo e na vhala kha phara ya 3. (2)
- 1.7 Hu na lifurase lo swifhadzwaho kha phara ya 9, sumbedzani vhungoho halo malugana na two bvelelaho kha Vho Liedza. (2)
- 1.8 Ndivho khulwane ya munwali kha mafhungo e na vhala ndi ifhio? Phindulo yanu i songo fhira mitaladzi mivhili. (2)
- 1.9 Ni vhona u nga two itwaho nga muhulwane wa Vho Liedza two thusedza hani u bvisela ngoho khagala? (2)
- 1.10 Nangani phindulo yo teaho kha mutevhe wo nekedzwaho.
- U shela madi nthha ha tombo two livhiswa kha ...
- A Muhulwane wa Vho Liedza.  
 B Mureili wa BMW.  
 C Vho Liedza.  
 D Vhoramimodoro. (1)
- 1.11 Tshandanguvhoni a si tshavhu. Sumbedzani vhungoho ha fhungo ili no disendeka nga two bvelelaho mafhungoni. (2)
- 1.12 Two bvelelaho kha Vho Liedza zwi a tendisea naa? Tikedzani. (2)
- 1.13 Arali inwi no vha ni shaka la Vho Liedza no vha ni tshi do vha eletshedza zwifhio musi vhe milomoni ya vhathu? (2)

Talelani tshifanyiso uri ni ḋo kona u fhindula mbudziso dzi no tevhela.

### TSHIBVELEDZWA TSHA B: TSHIFANYISO



[Zwi khou bva kha Magazine]

- 1.14 No sedza itshi tshifanyiso ni vhona avha vhatu vho dzula ngafhi nahone hu tshi khou bvelela mini? (2)
- 1.15 Vhatu avha vha sumbedza vha sa ḋo ya hayani? Tikedzani. (2)
- 1.16 U ya nga ha inwi, ndi zwifhio zwi no sumbedza uri avha vhatu vha kha nyandano. Tikedzani. (2)

**THANGANYELO YA KHETHEKANYO YA A:** 30

**KHETHEKANYO YA B: MANWELEDZO/SAMARI****MBUDZISO 2**

Vhadzulapo vha shangoni ḥa Mphireni vho fara muṭangano vha tshi khou amba nga tshinyalelo dzi no vhangwa nga migwalabo.

Vhalani mafhuno (TSHIBVELEDZWA TSHA C) afho fhasi ni kone u niwala mbuno dza SUMBE nga ha tshinyalelo dzi no vhangwa nga migwalabo.

**NDAELA:**

1. Nwalani mbuno dza SUMBE dzi kha mafhuno a pfalaho, nga ha tshinyalelo dzi no vhangwa nga migwalabo.
2. Tshivhalo tsha maipfi TSHI SONGO PADA 70.
3. Nomborani mafhuno aṇu u bva kha 1 u ya kha 7.
4. Nwalani mbuno NTHIHĪ kha fhungo ḥinwe na ḥinwe.
5. Shumisani maipfi ANU.
6. Sumbedzani tshivhalo tsha maipfi e na a shumisa e zwitangeni mafheloni a manweledzo/samari yaṇu.

**TSHIBVELEDZWA TSHA C****TSHINYALELO DZI NO VHANGWA NGA MIGWALABO**

Migwalabo i khou andesa ano maduvha. Vhaīwe vhe ndi dzone pfanelo, vhaīwe nga fhāla vhe ndi hone u dinalea ngeno vhaīwe vha tshi ri ndi vhuvemu. Kuhumbulele ukwu kwōthe ku bveledza tshinyalelo tshitshavhani.

Fhethu hunzhi arali hu na migwalabo hu a vha na u thivhiwa ha dzibada nga matombo, matanda na mathaela a no khou duga. Izwi zwi itelwa uri goloi dzi si kone u fhira na uri vhathu vha si wane zwinamelo.

Nga hone u dinalea u wana ho fhiswa mathaela badani hu sa tshimbilei. Bada dzi a tshinyala nga zwo shumiswaho u dzi thivha. Dzi sala dzi na madindi lune migwalabo i tshi fhela dza tea u lugiswa.

Goloi dza vhaendelamashango dzi a kwashiwa ngeno vha sa ḫivhi tshithu nga migwalabo. Tshirunzi tsha shango ḥashu tshi a wa kha vhaendelamashango avho.

Vhunzhi ha vhashumi vha fhelelwa nga mishumo nge vha balelwa zwinamelo zwa u vha isa mishumoni.

Mavhengele na one a a pwashekwanywa. Mbava na dzone dzi vha dzo wana tshifhinga tsha u tswa.

Zwifha<sup>to</sup> zwa muvhuso, goloi na mahaya a vharangaphanda vane vha khou ba<sup>de</sup>kanywa na tshumelo dzine dza khou todwa zwi a fhiswa.

Pfunzo na yone i a thithisea zwihulusa musi vhagudi vha si tsha ya zwikoloni nga pfanelo. Izwi zwi vhangwa nga u shaea ha zwinamelwa na nyofho ya u huvhadziwa nga vhagwalabi.

Ri tea u fhatuwa ngauri migwalabo i disa tshinyalelo khulusa lushakani na muvhusoni. Arali ra sa fhatuwa shango la<sup>shu</sup> li do humela murahu ha si vhe na mvelaphanda.

[Zwi bva kha vhalingi]

**THANGANYELO YA KHETHEKANYO YA B:** 10

**KHETHEKANYO YA C: LUAMBO****MBUDZISO 3: KHUNGEDZELO**

Talelani khungedzelo uri ni do kona u fhindula mbudziso dzi no tevhela.

**TSIBVELEDZWA TSHA D**

**MAITAZWITOMA**  
**VHA NAKISI VHA MAHAYA NA MUPO**



E nnyi a sa funi vhupo ho nakaho? Ho sala vhone fhedzi u dalela afha.  
 Ri vhomasithesele kha u kunakisa mahaya na vhupo.  
 Mitengo yashu i tou kokovha na fhasi, vhafumi vha u thoma vha wana luafhulelo.  
 Vha ri kwama kha 015 516 4537.

[Tshi bva kha inthanethe]

- 3.1 Ndivho ya u shumisa khephusheni afho kha khungedzelo ndi ifhio? (1)
- 3.2 Ndi ndila-de ine ra nga i shumisa u kwana vhakungedzeli avha? (1)
- 3.3 Ndi ngafhi he mukungedzeli a shumisa mbudziso i sa todzi phindulo? (2)
- 3.4 Ndeme ya u shumisa luambo lwa u fhuredzela kha khungedzelo iyi ndi ifhio? (2)
- 3.5 Sumbedzani he mukungedzeli a shumisa linqnedzi kha u bula mitengo ya afho kha khungedzelo. (2)

- 3.6 Nga murahu ha u vhala khungedzelo iyi, ndi ifhio nyeletshedzo ine na nga fha vhathu vha re na thaidzo ya u sa kunakisa mupo na mahaya? (2)  
[10]

#### MBUDZISO 4: KHATHUNI

Talelani khathuni uri ni do kona u fhindula mbudziso dzi no tevhela.

#### TSHIBVELEDZWA TSHA E



[Zwi bva kha inthanethe]

- 4.1 Avha vhathu vha khou amba vhe ngafhi? Tikedzani. (2)
- 4.2 Sumbedzani masiandaitwa a u ṫwa u kha u shumisa whatsiapu nga vhafumakadzi vho malwaho. (2)
- 4.3 Vhushaka ha vhathu vha re kha khathuni ndi vhufhio? Tikedzani. (2)
- 4.4 Muhumbulo muhulwane wa iyi khathuni ndi ufhio? Ḧalutshedzani. (2)
- 4.5 Arali no vha ni shaka ḥa mufumakadzi uyu, no vha ni tshi nga mu thusa kha zwifhio uri nyimele ine a vha khayo i shanduke? (2)  
[10]

**MBUDZISO 5**

- 5.1 Vhalani mafhundo a tevhelaho uri ni  $\ddot{d}$ o kona u fhindula mbudziso dzo disendekaho khao:

**TSHIBVELEDZWA TSHA F: PHUROSA**

- |   |   |
|---|---|
| 1 | Vhana vho vha vha tshi shumiswa mimaini ya malasha ngei Britain. Mimaini ya malasha yo vha i khombo. Thanga dzo vha dzi tshi wa na mithuthubo i tshi vhanga ma fuvhalo kha vhana. <b>Ho vha hu si na milayo ya tsireledzo.</b> U pwasha na u hwala malasha zwe vha zwi tshi itwa nga vhana na vhafumakadzi.                               |
| 2 | Vhana vhatuku vho vha vha tshi shumiswa u vala mi $\ddot{n}$ ango. Vho vha vha tshi dzula swiswini, fhethu ho $\ddot{n}$ ukalaho ná hu re na buse.  |
| 3 | <u>Vhunzhi havho vho vha vha sa badelwi.</u> Nyimele iyi yo vhanga malwadze o fhambanaho kha vhana. Vho lwala vhulwadze ha lufhia, mafhafhu a tshinyala na mutetemelo nga u dzula fhethu ho $\ddot{n}$ ukalaho. Vha tetemela u nga lutanga lu madini. Nangoho <b>hu si halwo lukunda a lwu khokhomedzwi, lwa khokhomedzwa lu a thara.</b> |
| 4 | Ho vha hu tshi shumiswa vhana ngauri vho vha vha sa badelwi hu u itela uri vha $\ddot{n}$ e vha mimaini vha pfume. Izwi zwe $\ddot{d}$ o iledzwa nga 1842 musi hú tshi vha na mulayo u iledzaho vhana u shuma mimaini. Mulayo uyo wo tsireledza vhana na vhafumakadzi.  |

5.1.1 Neani  $\ddot{l}$ ibulazwithihi  $\ddot{l}$ a ipfi 'badelwi' (I)

5.1.2 Kha phara ya vhuraru topolani  $\ddot{l}$ idadzisi  $\ddot{l}$ a fhethu. (I)

5.1.3 Topolani dzina vhukuma kha phara ya u thoma. (I)

5.1.4 Nangani phindulo i re yone kha mutevhe u re afho fhasi:


Flungo  $\ddot{l}$ o talwaho nga fhasi ndi  $\ddot{l}$ imudi  $\ddot{l}$ a lushaka lufhio?

- A Tsumbo
- B Thendelo
- C Gonelo
- D Ndaela

(I)

- 5.1.5 Isani fhungo  $\text{\textcircumflex}$  lo swifhadzwaho kha thenda  $\text{\textcircumflex}$  li re kha phara ya 1. (2)
- 5.1.6 Topolani  $\text{\textcircumflex}$  ifanyisi  $\text{\textcircumflex}$  lo shumiswaho mafhungoni a re kha phara ya 3, ni fhe na  $\text{\textcircumflex}$  thalutshedzo yalo. (2)
- 5.1.7 Kha phara ya u thoma hu na ipfi  $\text{\textcircumflex}$  li songo peletwaho zwone. Li topoleni ni dovhe ni  $\text{\textcircumflex}$  li lulamise. (2)
- 5.1.8 Hu na ipfi  $\text{\textcircumflex}$  lo pambiwaho kha mafhungo e na vhala kha phara ya 1. Li topoleni ni bule na luambo  $\text{\textcircumflex}$  lo pambiwaho  $\text{\textcircumflex}$  tshi bva khalwo. (2)
- 5.1.9 Neani  $\text{\textcircumflex}$  thalutshedzo ya murero wo swifhadzwaho kha phara ya 3. (2)
- 5.2 Talelani tshifanyiso, ni vhale na mafhungo o  $\text{\textcircumflex}$  disendekaho khatsho, ni kone  $\text{\textcircumflex}$  fhindula mbudziso dzi no tevhela.

### TSHIBVELEDZWA TSHA G: TSHIFANYISO



Mitambo i khwathisa mivhili, ya ri fha mutakalo. Na vha re na malwadze vha  $\text{\textcircumflex}$  didzhenisa khayo vha a fhola. Vhasidzana a vha koni u tamba bola ya milenzhe, ndi ngazwo vha tshi dzulela u kundwa. Musi hu tshi khou tamba vhatukana u wana mudavhini **hu si na na vhupfelo ha mare.**

[Zwi bva kha inthanethe]

- 5.2.1 Topolani he mu $\text{\textcircumflex}$ wali a shumisa luvhengelambiluni mafhungoni aya. (2)
- 5.2.2 Ndi zwifhio zwivhuya zwi  $\text{\textcircumflex}$  diswaho nga u  $\text{\textcircumflex}$  didzhenisa kha mitambo? (2)
- 5.2.3 Vhumbani pholisemi nga ipfi 'khwathisa'. (2)

[20]

**THANGANYELO YA KHETHEKANYO YA C:  
MARAGAGUTE:**

40

80